

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

Broj: 02-04-1469/22-AP-8  
Datum: 21.11.2023. godine

Primljeno:	22 -11- 2023		
Org. jed.	Kl. ozna.	Red. broj	R.
01	04	1916/23	

GRADSKO VIJEĆE ZAVIDOVIĆI  
n/r PREDSJEDAVAJUĆI GRADSKOG VIJEĆA  
Admir Fojnica, prof.

PREDMET: Prijedlog odluke o pečatu Grada Zavidovići sa Izvještajem o javnoj raspravi,  
dostavlja se

U prilogu akta dostavljam Vam Prijedlog odluke o pečatu Grada Zavidovići sa Izvještajem o javnoj raspravi broj: 02-04-1469/22-AP-6 od 20.11.0223.godine.

Prijedlog odluke o pečatu Grada Zavidovići Zavidovići sa obrazloženjem gradonačelnika Zavidovići i sa Izvještajem o javnoj raspravi broj: 02-04-1469/22-AP-6 od 20.11.0223.godine, dostavljam Gradskom vijeću Zavidovići radi uvrštanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović





Broj: 01- \_\_\_\_\_  
Datum: \_\_\_\_\_ godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i člana 6. stav (4) i 10. Privremene Statutarne odluke Grada Zavidovići („Službene glasnik općine Zavidovića“ broj: 4/2022), Gradska vijeće Zavidovići, na \_\_\_. sjednici održanoj \_\_\_. \_\_\_\_ godine donosi

O D L U K U  
o pečatu Grada Zavidovića

DIO I - OPĆE ODREDBE

Član 1.  
(Predmet)

Ovom Odlukom utvrđuju se organi Grada Zavidovića koji imaju pravo na pečat Grada Zavidovići, oblik i sadržaj pečata, izrada pečata, čuvanje i upotreba pečata, kao i druga pitanja u vezi pečata Grada Zavidovići.

Član 2.  
(Posjedovanje pečata)

Pravo na pečat Grada Zavidovića imaju:

- a) Gradska vijeće Zavidovići,
- b) Gradonačelnik,
- c) Gradske službe za upravu,
- d) Stručne službe Grada Zavidovići,
- e) Gradska pravobranilaštvo Zavidovići,
- f) Gradska izborna komisija.

Član 3.  
(Značaj pečata)

(1) Pečatom se utvrđuje autentičnost službenih akata organa iz člana 2. ove Odluke (u daljem tekstu: Gradski organi).

(2) Pečat se stavlja na izvorne akte koje potpisuju rukovodioci ili predsjedavajući Gradskih organa (u daljem tekstu: rukovodilac Gradskog organa), kao i akta koje potpisuju predsjednici odnosno predsjedavajući stalnih i povremenih radnih tijela (komisije i druga radnja tijela) Gradskih organa, čija je obaveza osnivanja utvrđena zakonom, drugim propisima donesenim na osnovu zakona ili aktima Gradskih organa.

(3) Ukoliko se izdaje prepis akta pečati se stavljuju uz potpis ovlaštenog lica koje ovjerava istovjetnost prepisa akta sa njegovim izvornikom.

## DIO II – OBLIK, SADRŽAJ I IZRADA PEČATA

### Član 4. (Oblik i sadržaj pečata)

(1) Pečat je okruglog oblika prečnika 50 mm i sadrži tekst: Bosna i Hercegovina – Federacija Bosne i Hercegovine – Zeničko-dobojski kanton – Grad Zavidovići, kao i naziv organa Grada, sve ispisano u koncentričnim krugovima.

(2) U sredini pečata nalazi se grb Grada Zavidovići.

### Član 5. (Mali pečat)

(1) Za potvrđivanje službenih legitimacija, finansijskih i drugih dokumenata, organi Grada imaju i mali pečat.

(2) Mali pečat je prečnika 20 mm i sadrži isti tekst kao i veliki pečat, s tim da se taj tekst može skratiti skraćivanjem pojedinih riječi, ali tako da sadržaj pečata bude jasan, vidljiv i čitljiv.

### Član 6. (Broj pečata)

(1) Gradski organi u pravilu imaju jedan pečat prečnika 50 mm za otiske u hemijskoj boji, a ako je to neophodno zbog organizacije rada, mogu imati i više takvih pečata.

(2) Potrebu za više pečata aktom odobrava gradonačelnik na obrazloženi zahtjev Gradskog organa.

(3) Pored pečata iz stava (1) ovog člana, Gradski organi mogu imati i pečat za otiske u pečatnom vosku i za suhi otisak na određenim službenim aktima, ako je to posebnim propisima određeno.

(4) Ako Gradski organi imaju više pečata iste veličine i sadržaja, svaki primjerak mora biti označen različitim arapskim brojem.

### Član 7. (Izrada pečata)

(1) Izradu pečata Gradskih organa na njihov zahtjev odobrava gradonačelnik rješenjem koje se objavljuje u „Službenom glasniku Grada Zavidovići“ i jedan primjerak se dostavlja službi za opću upravu Grada Zavidovići radi evidencije.

(2) Zahtjev za izradu pečata odbit će se ako podnositelj zahtjeva nema pravo na pečat, ili ako se zahtjev odnosi na odobravanje pečata čiji su sadržaj, dimenzije ili broj primjeraka suprotni odredbama ove Odluke.

(3) Izradu pečata vrši služba za opću upravu Grada Zavidovići na način i po postupku koji je uredjen propisima o javnim nabavkama.

(4) Evidenciju o svim pečatima koji su u upotrebi kod Gradskih organa vodi služba za opću upravu Grada Zavidovići.

## DIO III – RUKOVANJE, UPOTREBA, ČUVANJE I UNIŠTAVANJE PEČATA

### Član 8. (Rukovanje i upotreba pečata)

(1) Pečatom rukuje i upotrebljava ga rukovodilac Gradskog organa.

(2) Pečatom može rukovati i upotrebljavati ga i lice Gradskog organa koje ovlasti posebnim rješenjem rukovodilac Gradskog organa i kojim se reguliše upotreba i čuvanje pečata kao i odgovornost lica za te radnje, te čuvanje i upotreba pečata u slučaju odsutnosti ovlaštenog lica.

(3) Rješenje iz stava (2) ovog člana objavljuje se u „Službenom glasniku Grada Zavidovići“ i jedan primjerak dostavlja se službi za opću upravu Grada Zavidovići radi evidencije.

**Član 9.**  
(Način stavljanja otiska)

Otisak pečata se stavlja sa lijeve strane potpisa ovlaštenog lica za potpisivanje službenih akata, ako zakonom ili drugim propisom nije drugačije određeno.

**Član 10.**  
(Čuvanje pečata)

(1) Pečat čuva i upotrebljava lice određeno za rukovanje i upotrebu pečata u skladu sa odredbom člana 8. ove Odluke.

(2) Pečati se čuvaju i upotrebljavaju na način kojim se otklanja svaka mogućnost njihove zloupotrebe.

(3) Ovlašteno lice čuva pečat zaključan na određenom mjestu nedostupan ostalim licima i nakon upotrebe pečat se odmah vraća na to mjesto i zaključava.

**Član 11.**  
(Mjesto upotrebe pečata)

(1) Pečati se upotrebljavaju u službenim prostorijama Gradskih organa.

(2) Izuzetno od stava (2) ovog člana po odobrenju rukovodioca Gradskog organa pečat može biti upotrijebljen i van službenih prostorija kada to iziskuje priroda posla i kada treba izvršiti određene službene radnje van tih prostorija.

**Član 12.**  
(Uništavanje pečata)

(1) Pečat koji je zbog istrošenosti, oštećenja ili iz drugih razloga postao neupotrebljiv mora se odmah uništiti, o čemu se stara rukovodilac Gradskog organa ili službeno lice ovlašteno za čuvanje ili upotrebu pečata.

(2) Pečat se smatra neupotrebljivim zbog istrošenosti i oštećenja ako se iz njegovog otiska jasno ne vidi tekst koji daje otisak pečata.

(3) Gradski organi podnose zahtjev za uništavanje pečata gradonačelniku koji mora biti obrazložen i sadrži broj primjeraka pečata, njihove otiske i razloge zbog kojih se traži uništavanje pečata.

**Član 13.**  
(Rješenje o uništenju pečata)

(1) Gradonačelnik donosi rješenje o odobravanju uništavanja pečata koje sadrži podatke o pečatu koji se uništava, sastav komisije koja će uništiti pečat, rok i način uništavanja pečata.

(2) Rješenje iz stava (4) ovog člana objavljuje se u „Službenom glasniku Grada Zavidovići“ i jedan primjerak dostavlja se službi za opću upravu Grada Zavidovići radi evidencije.

**Član 14.**  
(Postupak uništavanja pečata)

(1) Uništavanje gumenih pečata vrši se spaljivanjem, a pečati za otisak u vosku i suhi pečati uništavaju se mehaničkim putem na način da se izvrši potpuno skidanje i uništenje teksta pečata.

(2) Uništavanje pečata vrši komisija od tri člana koja je dužna sačiniti zapisnik koji sadrži datum kada su pečati uništeni, broj komada pečata, otiske pečata, naziv organa čiji su pečati uništeni i način uništavanja pečata.

(3) Komisija primjerak zapisnika dostavlja službi za opću upravu Grada Zavidovići radi evidencije o uništenim pečatima i Gradskom organu čiji se pečat uništava.

**Član 15.**  
(Nestanak pečata)

(1) Rukovodilac Gradskog organa ili lice ovlašteno za čuvanje i upotrebu pečata, dužni su odmah po saznanju prijaviti nestanak ili gubitak pečata službi za opću upravu Grada Zavidovići.

(2) Nestanka pečata za koji se sumnja da je krađa pečata gradonačelnik je dužan prijaviti Ministarstvu unutrašnjih poslova Zeničko-dobojskog kantona putem Policijske stanice Zavidovići.

**Član 16.**  
(Rješenje o nevažećem pečatu)

(1) Gradonačelnik donosi rješenje kojim se nestali ili izgubljeni pečat proglašava nevažećim pečatom, koje se objavljuje u „Službenom glasniku Grada Zavidovići“ i jedan primjerak dostavlja se službi za opću upravu Grada Zavidovići radi evidencije.

(2) U slučaju pronalaženja nevažećeg pečata, isti će biti uništen u skladu sa odredbom člana 11. stav (3) ove Odluke.

(3) Novi pečat koji se izrađuje umjesto nestalog pečata mora biti posebno označen rimskim brojem.

**DIO V – KAZNENE ODREDBE**

**Član 17.**

(1) Novčanom kaznom u iznosu 100,00 KM kaznit će se lice iz Gradskog organa ako:

- a) Izradi pečata bez odobrenja gradonačelnika (Član 7. stav (1)),
- b) Ne vodi evidenciju o svim izrađenim, uništenim i izgubljenim ili nestalim pečatima (Član 7. stav (4), član 13. stav (2) i član 16. stav (1)),
- c) Rukuje i upotrebljava pečat bez posebnog odobrenja rukovodioca Gradskog organa (Član 8. stav (2)),

- d) Ne vodi evidenciju o rješenjima za upotrebu i rukovanje pečatima, rješenjima o uništavanju pečata, zapisnicima o uništavanju pečata i rješenjima o proglašenju pečata nestalim ili izgubljenim (Član 8. stav (3), član 13. stav (2), član 14. stav (3) i član 16. stav (1)),
- e) Ne čuva pečat na propisan način (član 10. stav (2) i (3)),
- f) Upotrebljava pečat van službenih prostorija bez odobrenja rukovodioca Gradskega organa (član 11. stav (2)),
- g) Uništi pečat bez rješenja gradonačelnika (član 13. stav (1)),
- h) Ne uništi pečat na propisan način (Član 14. stav (1) i (2)),
- i) Ne prijavi nestanak pečata (član 15. stav (1)).

(2) Novčanom kaznom u iznosu 200,00 KM kaznit će se rukovodjac Gradskega organa ako:

- a) Izradi pečata bez odobrenja gradonačelnika (Član 7. stav (1)),
- b) Ne vodi evidenciju o svim izrađenim, uništenim i izgubljenim ili nestalim pečatima (Član 7. stav (4), član 13. stav (2) i član 16. stav (1)),
- c) Ne vodi evidenciju o rješenjima za upotrebu i rukovanje pečatima, rješenjima o uništavanju pečata, zapisnicima o uništavanju pečata i rješenjima o proglašenju pečata nestalim ili izgubljenim (Član 8. stav (3), član 13. stav (2), član 14. stav (3) i član 16. stav (1)),
- d) Uništi pečat bez rješenja gradonačelnika (član 13. stav (1)),
- e) Ne prijavi nestanak pečata (član 15. stav (1)).

## DIO VI – NADZOR NAD PROVOĐENJEM ODLUKE

Član 18.  
(Nadzor)

Nadzor nad provođenjem ove Odluke vrši služba za upravu Grada Zavidovići nadležna za izvršavanje poslova i zadatka opće uprave.

## DIO VII – PRELAZNE I ZAVRŠNE ODREDBE

Član 19.  
(Ravnopravnost spolova)


Sve imenice koje su upotrebljene u ovoj Odluci podrazumijevaju uključivanje oba roda.

Član 20.  
(Primjena na druge postupke)

Odredbe člana 7. do 16. ove Odluke se primjenjuju i na štambilje Grada Zavidovići.

Član 21.  
(Započeti postupci)

Svi postupci koji do dana stupanja na snagu ove Odluke nisu pravosnažno okončani završit će se po odredbama propisa koji je bio na snazi u vrijeme donošenja ove Odluke.



**Član 22.**  
(Prestanak važenja)

Stupanjem na snagu ove Odluke prestaje da važi Odluka o pečatu općine Zavidovići („Službeni glasnik Općine Zavidovići“, broj: 11/2013 i 8/2020) i Upustvo o čuvanju, upotrebi i uništavanju pečata Općine Zavidovići („Službeni glasnik Općine Zavidovići“, broj: 13/2013).

**Član 23.**  
(Stupanje na snagu)

Odluka stupa na snagu prvog narednog dana od dana objavljivanja u „Službenom glasniku Grada Zavidovići“.

PREDSJEDAVAJUĆI  
GRADSKOG VIJEĆA

Admir Fojnica prof.



## OBRAZLOŽENJE

### USTAVNOPRAVNI I ZAKONSKI OSNOV ZA DONOŠENJE PRIJEDLOGA ODLUKE

U članu 6. stav (4) Privremene Statutarne odluke Grada Zavidovići („Službene glasnik općine Zavidovića“, broj: 4/2022), propisano je: „Uslovi i način upotrebe pečata Grada Zavidovići propisuje se posebnom Odlukom Gradskog vijeća“.

### PROVOĐENJE JAVNE RASPRAVE PO NACRTU ODLUKE O PEČATIMA

Gradsko vijeće Zavidovići na 17. sjednici održanoj 25.09.2023.godine, razmatralo je Nacrt Odluke o pečatu Grada Zavidovići.

Tom prilikom Gradsko vijeće Zavidovići usvojilo je Nacrt Odluke o pečatu Grada Zavidovići, te donijelo Zaključak broj: 01-04-1916/23-Ap-4 od 25.09.2023.godine, kojim se navedeni akt upućuje na javnu raspravu.

Stručna služba gradonačelnika je dostavila Nacrt Odluke o pečatu Grada Zavidovići službama za upravu, političkim partijama i drugim zainteresovanim subjektima za javnu raspravu koja je zakazana za 19.10.2023.godine (ČETVRTAK) u 11:00 sati u Zavidovićima, ulica „Mehmed- paše Sokolovića“ broj 9, 1. sprat zgrade Grada Zavidovići, Velika sala za sastanke.

Prijedloge, mišljenja i sugestije sva zainteresovana pravna i fizička lica mogla su dostaviti pismeno, odnosno usmeno do 26.10.2023. godine.

Stručna služba gradonačelnika je održala javnu raspravu po Nacrtu Odluke o pečatu Grada Zavidovići 19.10.2023.godine (ČETVRTAK) u 11:00 sati u Zavidovićima, ulica „Mehmed paše Sokolovića“ broj 9, 1. sprat zgrade Grada Zavidovići, Velika sala za sastanke.

Na javnoj raspravi održanoj 19.10.2023.godine prisustvovali su predstavnici Službe za upravu društvenih djelatnosti, pitanja boraca i opću upravu Muharemović Aziz i Merdanović Asima.

Služba za upravu društvenih djelatnosti, pitanja boraca i opću upravu dostavila je Primjedbe/prijedloge/sugestije na Nacrt Odluke o pečatu Grada Zavidovići broj: 04-45-17/23-AP-316 od 26.10.2023.godine, koje su predstavnici iste Službe dali usmeno i na javnoj raspravi održanoj 19.10.2023.godine.

U predmetnom aktu dati su sljedeći prijedlozi:

1. Da se u članu 7. stav 1. Nacrta Odluke o pečatu Grada Zavidovići u kojem se govori o rješenju o izradi pečata, u kojem trenutno stoji da se „Jedan primjerak dostavlja Službi za opću upravu Grada Zavidovići“, doda i obaveza da se jedan primjerak dostavi i Komisiji za uništavanje pečata“,

2. Da se u članu 11. stav 2. ugradi odredba po kojoj bi rukovodioci Službi Gradskog organa uprave, prilikom upotrebe pečata van službenih prostorija gradske uprave Grada Zavidovići, uz zapisnik o primopredaji preuzimali pečat od ovlaštenog lica za čuvanje i upotrebu pečata,

3. Da se u članu 12. stav 1. riječi „odmah uništiti“, zamijeni riječima „pristupiti proceduri uništavanja pečata“;

U predmetnom aktu navedeno je da je izuzetno potrebno posebnim članom utvrditi način imenovanja Komisije za uništavanje pečata, te detaljnije utvrditi postupak uništenja neupotrebljivih/oštećenih pečata.

Prijedlog za dopunu člana 7. Nacrta odluke nije prihvaćen jer Komisija za uništavanje pečata nema nadležnost za postupanje sa pečatima koji se izrađuju i stavljaju u upotrebu, nego

ima samo nadležnost nad pečatima koji se uništavaju. Dalje nije prihvaćen prijedlog za dopunu člana 11. stav (2) Nacrta odluke jer osoba koja upotrebljava pečat van službenih Gradskega organa je već rješenjem iz člana 8. stav (3) Nacrta odluke zadužena za upotrebu pečata i van službenih prostorija Gradskega organa. Nije prihvaćen prijedlog za izmjenu člana 12. Nacrta odluke jer se treba pečat što prije uništiti kako ne bi došlo do njegove upotrebe nakon proglašenja pečata neupotrebljivim i određivanjem njegovog uništenja na osnovu rješenja i člana 13. stav (1) Nacrta odluke.

Gradsko vijeće Zavidovići na 17. sjednici održanoj 25.09.2023. godine, razmatralo je Nacrt Odluke o pečatu Grada Zavidovići, te tom prilikom nije bilo rasprave po istom, koja se smatra dijelom javne rasprave.

## RAZLOZI ZA DONOŠENJE PRIJEDLOGA ODLUKE I OBJAŠNjenje ODABRANE POLITIKE

Stupanjem na snagu Privremene statutarne odluke Grada Zavidovići (Službeni glasnik Općine Zavidovići, broj: 4/2022) službe za upravu i posebne službe Općine Zavidovići i Općinsko pravobranilaštvo Zavidovići postaju i počinju koristiti nazive u svom radu i aktima kao službe za upravu i posebne službe Grada Zavidovića i Gradsko pravobranilaštvo Zavidovići.

U skladu sa Zakonom o Gradu Zavidovići („Službene novine Federacije BiH“, broj: 17/22) i Privremenom Statutarnom Odlukom Grada Zavidovići korištenje naziva općine/Općine Zavidovići zamjenjuje se nazivom Grad Zavidovići u radu, aktima, oznakama i drugim slučajevima, te su službe i organi dužni primjenjivati u svom radu i vršiti potrebna usklađivanja. Imajući u vidu navedeno da će se navedene promjene odraziti na pečat Grada Zavidovići, predlaže se donošenje ove Odluke.

## USKLAĐENOST ODLUKE S KANTONALNIM I FEDERALNOM ZAKONODAVSTVOM

Ovaj Prijedlog Odluke nije u suprotnosti sa Zakonom o Gradu Zavidovići, Zakonom o principima lokalne samouprave, Zakonom o organizaciji uprave u Federaciji Bosne i Hercegovine („Službene novine FBIH“, broj: 35/05), Zakonom lokalnoj samoupravi („Službene novine ZDK“, broj: 13/98), te je usklađen sa Privremenom Statutarnom Odlukom Grada Zavidovići.

## OBRAZLOŽENJE PRAVNIH RJEŠENJA U PRIJEDLOGU ODLUKE PROVEDBENI MEHANIZMI I NAČIN OSIGURAVANJA POŠTIVANJA PRIJEDLOGA ODLUKE

Ovim Prijedlogom Odluke izvršena je sinteza pravnih rješenja sadržanih u Odluci o pečatu Općine Zavidovići („Službeni glasnik Općine Zavidovići“, broj: 11/2013 i 8/2020) i Upustvu o čuvanju, upotrebi i uništavanju pečata Općine Zavidovići („Službeni glasnik općine Zavidovići“, broj: 13/2013).

Obzirom da je Odluka o pečatu Općine Zavidovići i Upustvo o čuvanju, upotrebi i uništavanju pečata Općine Zavidovići u primjeni od 2013. godine sa istim ili sličnim tekstom u pretežnom dijelu u odnosu na ovaj Prijedlog Odluke, nije potrebno vršiti obrazloženje pojedinih pravnih rješenja.

Ova odluka je izvršila spajanje važeće Odluke o pečatu općine Zavidovići i Upustva o čuvanju, upotrebi i uništavanju pečata Općine Zavidovići, tako da se neće donosti provedbeni akti za primjenu ove Odluke.

Također u odnosu na važeću Odluku o pečatu općine Zavidovići, ovom Odlukom su propisane kaznene odredbe zbog značaja pečata u radu organa uprave i drugih organa Grada Zavidovići sa ciljem da se spriječe eventualne pojave nepravilnosti u ovoj oblasti.

Nadzor nad provođenjem ove Odluke povjeren je službi za upravu Grada Zavidovići nadležnoj za izvršavanje poslova i zadataka opće uprave.

## OBRAZLOŽENJE FINANSIJSKIH SREDSTAVA ZA PROVOĐENJE NACRTA ODLUKE I FINANSIJSKI EFEKTI NACRTA ODLUKE

Za provođenje ove Odluke nije potrebno obezbijediti posebna finansijska sredstava budući da su pečati Grada zamijenjeni nakon stupanja na snagu Privremene Statutarne Odluke Grada Zavidovići.

## OPIS KONSULTACIJA VOĐENIH U PROCESU IZRADA NACRTA ODLUKE

U izradi ove Odluke nije bilo potrebno voditi konsultacije.

Obradila: N. Jusupović  
(Najla Jusupović)

Kontrolisao: N. Čaharević  
(Nermin Čaharević)



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
Stručna služba gradonačelnika



Broj: 02-04-1469/22-AP-6

Datum: 20.11.2023.godine

**GRADONAČELNIK ZAVIDOVIĆI  
GRADSKO VIJEĆE ZAVIDOVIĆI**

**PREDMET:** Izvještaj o javnoj raspravi po Nacrtu Odluke  
o pečatima Grada Zavidovići, dostavlja se

Gradsko vijeće Zavidovići na 17. sjednici održanoj 25.09.2023.godine, razmatralo je  
Nacrt Odluke o pečatu Grada Zavidovići.

Tom prilikom Gradsko vijeće Zavidovići usvojilo je Nacrt Odluke o pečatu Grada  
Zavidovići, te donijelo Zaključak broj: 01-04-1916/23-Ap-4 od 25.09.2023.godine, kojim se  
navedeni akt upućuje na javnu raspravu.

Stručna služba gradonačelnika je dostavila Nacrt Odluke o pečatu Grada Zavidovići  
službama za upravu, političkim partijama i drugim zainteresovanim subjektima za javnu  
raspravu koja je zakazana za 19.10.2023.godine (ČETVRTAK) u 11:00 sati u Zavidovićima,  
ulica „Mehmed- paše Sokolovića“ broj 9, 1. sprat zgrade Grada Zavidovići, Velika sala za  
sastanke.

Prijedloge, mišljenja i sugestije sva zainteresovana pravna i fizička lica mogla su  
dostaviti pismeno, odnosno usmeno do 26.10.2023. godine.

Stručna služba gradonačelnika je održala javnu raspravu po Nacrtu Odluke o pečatu  
Grada Zavidovići 19.10.2023.godine (ČETVRTAK) u 11:00 sati u Zavidovićima, ulica  
„Mehmed paše Sokolovića“ broj 9, 1. sprat zgrade Grada Zavidovići, Velika sala za sastanke.

Na javnoj raspravi održanoj 19.10.2023.godine prisustvovali su predstavnici Službe za  
upravu društvenih djelatnosti, pitanja boraca i opću upravu Muharemović Aziz i Merdanović  
Asima.

Služba za upravu društvenih djelatnosti, pitanja boraca i opću upravu dostavila je  
Primjedbe/prijedloge/sugestije na Nacrt Odluke o pečatu Grada Zavidovići broj: 04-45-17/23-  
AP-316 od 26.10.2023.godine, koje su predstavnici iste Službe dali usmeno i na javnoj  
raspravi održanoj 19.10.2023.godine.

U predmetnom aktu dati su sljedeći prijedlozi:

1. Da se u članu 7. stav 1. Nacrtu Odluke o pečatu Grada Zavidovići u kojem se govori  
o rješenju o izradi pečata, u kojem trenutno stoji da se „Jedan primjerak dostavlja Službi za  
opću upravu Grada Zavidovići“, doda i obaveza da se jedan primjerak dostavi i Komisiji za  
uništavanje pečata“;

2. Da se u članu 11. stav 2. ugradi odredba po kojoj bi rukovodioci Službi Gradskog  
organa uprave, prilikom upotrebe pečata van službenih prostorija gradske uprave Grada  
Zavidovići, uz zapisnik o primopredaji preuzimali pečat od ovlaštenog lica za čuvanje i  
upotrebu pečata,

3. Da se u članu 12. stav 1. riječi „odmah uništiti“, zamijeni riječima „pristupiti  
proceduri uništavanja pečata“,

U predmetnom aktu navedeno je da je izuzetno potrebno posebnim članom utvrditi način imenovanja Komisije za uništavanje pečata, te detaljnije utvrditi postupak uništenja neupotrebljivih/oštećenih pečata.

Prijedlog za dopunu člana 7. Nacrta odluke nije prihvaćen jer Komisija za uništavanje pečata nema nadležnost za postupanje sa pečatima koji se izrađuju i stavlju u upotrebu, nego ima samo nadležnost nad pečatima koji se uništavaju. Dalje nije prihvaćen prijedlog za dopunu člana 11. stav (2) Nacrta odluke jer osoba koja upotrebljava pečat van službenih Gradskeh organa je već rješenjem iz člana 8. stav (3) Nacrta odluke zadužena za upotrebu pečata i van službenih prostorija Gradskeh organa. Nije prihvaćen prijedlog za izmjenu člana 12. Nacrta odluke jer se treba pečat što prije uništiti kako ne bi došlo do njegove upotrebe nakon proglašenja pečata neupotrebljivim i određivanjem njegovog uništenja na osnovu rješenja i člana 13. stav (1) Nacrta odluke.

Gradsko vijeće Zavidovići na 17. sjednici održanoj 25.09.2023.godine, razmatralo je Nacrt Odluke o pečatu Grada Zavidovići, te tom prilikom nije bilo rasprave po istom , koja se smatra dijelom javne rasprave.

Dostavljeno:


1. Naslovu,
2. U spis.

SEKRETAR GRADSKOG ORGANA  
DRŽAVNE SLUŽBE

Nermin Čahtarević, dipl.pravnik



Obradio:

  
(Naila Jusupović)

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOSKI KANTON  
GRAD ZAVIDOVIĆI  
GRADSKO VIJEĆE



**Komisija za Statut i propise**

Broj: 01-04-1916/23-AP-6

Datum: 18.12.2023. godine

Na osnovu člana 13, 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za Statut i propise na 40. sjednici održanoj dana 18.12.2023. godine, razmatrala je Prijedlog Odluke o pečatu Grada Zavidovići sa Izvještajem o provedenoj javnoj raspravi, pa nakon rasprave donijela

### ZAKLJUČAK

1. Komisija za Statut i propise smatra da je Prijedlog Odluke o pečatu Grada Zavidovići sa Izvještajem o provedenoj javnoj raspravi, u skladu sa zakonom i drugim propisima.

2. Komisija za Statut i propise smatra da je Prijedlog Odluke o pečatu Grada Zavidovići sa Izvještajem o provedenoj javnoj raspravi, pripremljen u skladu sa članom 13. Zakona o principima lokalne samouprave u Federacije Bosne i Hercegovine („Službene novine Federacije BiH“, broj: 49/06) i članom 6. stav (4) i 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022).

3. Komisija za Statut i propise smatra da je Prijedlog Odluke o pečatu Grada Zavidovići sa Izvještajem o provedenoj javnoj raspravi, pripremljen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).

4. Prijedlog Odluke o pečatu Grada Zavidovići sa Izvještajem o provedenoj javnoj raspravi, dostavlja se predsjedavajućem radi uvrštanja u dnevni red sjednice Gradskog vijeća.

5. O realizaciji ovog Zaključka starat će se Stručna služba Gradskog vijeća.

ZAMJENIK PREDSEDNIKE KOMISIJE

Amir Turšić, dipl. pravnik

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
GRADSKO VIJEĆE



**Komisija za budžet, finansije i  
ekonombska pitanja**

Broj: 01-04-1916/23-AP-7

Datum: 18.12.2023. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za budžet, finansije i ekonombska pitanja na 23. sjednici održanoj dana 18.12.2023. godine, razmatrala je Prijedlog Odluke o pečatu Grada Zavidovići sa izvještajem o provedenoj javnoj raspravi, pa nakon rasprave donijela

**Z A K L J U Č A K**

1. Komisija za budžet, finansije i ekonombska pitanja prihvata Prijedlog Odluke o pečatu Grada Zavidovići sa izvještajem o provedenoj javnoj raspravi.
2. Prijedlog Odluke o pečatu Grada Zavidovići sa izvještajem o provedenoj javnoj raspravi, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike

